



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Initium Sapientiæ & Finis: Timor Domini, & Amor Dei: Seu  
de fuga peccati, deque dilectione summi boni**

**Comitin, César Jean-Baptiste**

**Coloniæ, 1709**

Summa secundæ Partis.

[urn:nbn:de:hbz:466:1-50773](#)

ut medicus; placeat ut ægrotus. Febrim febris curet, defectum excessus, æstusque languorem. Nam contrariis contraria curantur. Denique si convalescere ex integrō non potes, muta morbum, A.M.A.

*Summa secundæ Partis.*

Quin age collige mecum omnia. Beneficiarius es Dei à capite ad calcem, à fine ad finem, hoc est, ab extremis inferis ad supremum usque cœli verticem. 1. Creatione. 2. Conservatione. 3. Fine. 4. Redemptione. 5. Justificatione. 6. Eucharistiâ. 7. Prædestinatione tum ad gloriam. 8. Tum ad gratiam. Nihil exceptit, nihil negavit.

Jam si lex ea sit, ut sèpè diximus, in redendâ gratiarum actione, ut quò plus accepteris, plus etiam exigaris: [crescentibus enim donis, crescit & acceptorum ratio; *intra pecuniam*, ut ajebat Seneca, *fit taxatio.*] enim verò quam immensum æs alienum alienum apud Deum contraxeris, quot ei non minibus obstrictus evaseris; opinor ex antè dictis intelligis, aut saltèm conjicis. Ille te ipsum, ille seipsum, totum utrumque, totum tibi, totum sibi dedit, initio & fine, destinatione & prædestinatione, creando, conservando, redimendo, infinitis modis, & infinitis

ties, & à summa miseriâ ad summam , im-  
mensam, æternam, infinitamque beatitudi-  
nem, non proprio commodo ductus , aut  
spe ullâ, sed solo amore tui. Vidisti medi-  
cum, vidisti ægrotum, te & illum, sanantem  
& laborantem; & nunc adhuc sentis in me-  
dio cordis tui medullitus infusum, ac etiam-  
num *gemitibus inenarralibus postulantem*  
*spiritu suo.* Ad hæc omnia quâ tu fronte, quo  
sis animo cupio scire. næ, si ferreus es, aut  
è marpesiâ caute prognatus inter hircanas  
tigres, immotum te aut inexpugnabilem in-  
ter tot amoris tantaque tela haud un-  
quam sperem. Audin' , ô fili , non expro-  
brantem illum quidem , [absit ab amore]  
sed expostulantem, amicè tamen, in hæc ver-  
ba ; *Quid potui facere vincere mea, & non feci?*  
Cùm dicit *Quid*, ostendit beneficia sua esse  
supra vota tua. Quasi diceret : Habes ali-  
quid quod ultra petas? si quid est, exprome,  
edissere. Addam beneficiis meis , & futuris  
præterita vincam ; & si parva sunt ista, adji-  
ciam tibi multò majora. (2. Reg. 12.) Sic ille  
olim cum Davide, & nunc tecum. At tu nón-  
ne cum eodem aut cuin prodigo supplex ad  
pedes genuaque procumbes? vociferans ex  
totis animi viribus ; *Pater, peccavi, peccavi*

D 7

in

*in celum & coram te. Jam non sum dignus, imò tantò magis dignus amore tuo, quantò magis indignus, qui venisti querere & salvum facere, quod perierat. Et quid dicam? aut quâ ratione satisfaciam non jam tibi, sed vel mihi? Enim verò ruit, ruit in amplexus, in oscula pedum tuorum anima mea, famosa in urbe peccatrix, ruit immenso sui pudore suffusa; sed & immenso tui simul amore perfusa. Amat, & odit; ardet, & horret. Horret se, ardet te, inde diligens, unde dilecta; ibi reviviscens, ubi consepulta: triumphi nimirum imitatrix tui. Ascendit enim super occasum, & morte triumphat, ut tu, suâ.*

## PARS TERTIA.

## COGITA PATREM.

**S**uperest è tribus unum appendendum tibi. De Deo, de Domino dictum est: nunc vindicem hæreditatis æternæ cogita Patrem. Nam cùm in rebus humanis, ut Salviani verbis utar, *omnia spebus agantur*; nihil aut parùm admodum effectum est, nisi avarissimum sempérque sitientem hominis animum spe & abducamus à malo, & ducamus ad bonum.

Porrò octo sunt omnino, quæ sperare possis à Patre. 1. Vita justi bona & beata. 2. Mors